

**-SENAT-**

Broj: 01-6471-1/16

Sarajevo, 26. 10. 2016. godine

Na osnovu člana 31. stav (2) i (5) i 119. stav (2) b) Zakona o visokom obrazovanju - prečišćeni tekst („Službene novine Kantona Sarajevo“, broj: 42/13 i 13/15), člana 56. stav (1) b) Statuta Univerziteta u Sarajevu, uz prethodno mišljenje Upravnog odbora Univerziteta u Sarajevu broj: 02- 5483/16 i 02-5483-1/16 od 22. 09. 2016. godine i Odbora za normativna pitanja broj: 0105-6228/16 od 17. 10. 2016. godine, Senat Univerziteta u Sarajevu je, na 1. sjednici održanoj 26. 10. 2016. godine, donio sljedeću

ODLUKU

1. Statut Univerziteta u Sarajevu iz juna 2013. godine dopunjuje se na sljedeći način:

Nakon člana 87. Statuta **dodaje se novi član 87.a koji glasi:**

Član 87.a
(Savjet za nauku i umjetnost)

- (1) Savjet za nauku i umjetnost je stručno i savjetodavno tijelo Senata Univerziteta.
- (2) Nadležnost Savjeta je da:
 - a) predlaže Senatu Univerziteta strategiju razvoja i unaprijeđenja nauke i umjetnosti na Univerzitetu u Sarajevu;
 - b) razmatra naučnoistraživačke projekte po javnim pozivima kojim se aplicira preko Univerziteta u Sarajevu;
 - c) daje mišljenje o raspodjeli vanbudžetskih prihoda od naučne i umjetničke djelatnosti;
 - d) obavlja i druge poslove u oblasti naučnoistraživačkog rada i umjetnosti koje mu odredi Senat Univerziteta.
- (3) Savjet za nauku i umjetnost ima devet članova, od kojih su jedan predstavnik Univerziteta, šest predstavnika fakulteta/akademija/instituta, jedan predstavnik studenata i jedan predstavnik Upravnog odbora Univerziteta u Sarajevu.
- (4) Mandat članova Savjeta za nauku i umjetnost traje četiri godine izuzev člana iz reda studenata čiji mandat traje jednu godinu.
- (5) Predstavnik Univerziteta predlaže rektor, predstavnike fakulteta/akademija/instituta predlažu vijeća grupacija nauka/umjetnosti, predstavnika studenata predlaže Studentski parlament Univerziteta, a predstavnika Upravnog odbora predlaže Upravni odbor iz reda univerzitetskih nastavnika izabranih u naučnonastavno i umjetničko zvanje/naučno zvanje.
- (6) Predsjednika Savjeta bira Senat.

2. Dopuna Statuta Univerziteta u Sarajevu iz člana 1. ove Odluke, upućuje se Ministarstvu za obrazovanje, nauku i mlade Kantona Sarajevo u dalju proceduru.

REKTOR


Prof. dr. Rifat Škrijelj

Dostaviti:

- Ministarstvu za obrazovanje, nauku i mlade Kantona Sarajevo
- Upravnom odboru Univerziteta u Sarajevu
- U dokumentaciju Senata 2x
- Arhivi